

## 2 PEDRO

### Ná yoho ra søcuq bi 'yo't'a ra Pedro

---

#### Ran zengua

**1** Nugä dra Simón Pedrogä, rá 'yehgä ra Jesucristo, ne ma 'bäigä'be a. Dí penh'nahü ra søcuq ja ua, ngue gätho n'dat'a dí ěc'yëihü a bi zängahü Oja. Ne 'da nan zimanhogdahü Oja, nguetho 'da í hoga thohohü ra Jesucristo, nu'a ma Ojahü a ne mam pørpatehü a. <sup>2</sup>Dí äp Oja man'da gui pähmbü a, ne ma Hmuhü ra Jesús. Ne man'da gui hyámhbü rá mate, ne man'da da hyu ni mbüihü büya.

#### Nu Oja i ørcahü dan jahü tengu a

<sup>3</sup>Nu rá ts'edi Oja bi 'dajü 'be'a gätho ga homhbü ngue dam 'bühmbü ra 'da'yom'bui, janangue'a bi zä bü dá tenhdü Oja. Nguetho dá pähmbü a bi zoncahü 'darbü dam 'bühmbü bü bí ja rá ts'edi mixte. <sup>4</sup>Ne nangue rá ts'edi i ørcahü ran ho mixte thoho ngue mím ma, nguetho i ørcahü dan jahü tengu a, ngue in yänjü bü ja rá ts'o'yu ra ximhäi i øt' ran ts'iyate. <sup>5</sup>Ne nu'bü dí pähmbü in yänjü Oja nangue ra ts'o'yu, ěmme ga hädumbüihü ga øthü 'be'a mangua 'bü. Ya dí

ěc'yëihü rá mate bi hogahü. Pe hinga hønt'a, nuya ga øthü yü hogant'øt'e. Ne hinga hønt'a ga øthü yü hogan t'øt'e, pe man'da ga homhbü dan xähmbü ga pähmbü rá 'yu Oja. <sup>6</sup>Ne hinga hønt'a dan xähmbü rá 'yu Oja, pe man'da ga sãmzehe ma mbüihü. Ne hinga hønt'a ga sãmzehe ma mbüihü, ne man'da ga sethü. Ne hinga hønt'a ga sethü, ne man'da hønt'a Oja gam bëmhbü. <sup>7</sup>Ne hinga hønt'a ga øthü ngue gam bëmhbü Oja, ne man'da ga fäx ma mi 'yęc'yëihü. Ne hinga hønt'a ga fäx ma mi 'yęc'yëihü, ne man'da ga huęjü gätho yü ja'i. <sup>8</sup>Ne nu'bü ěmme ga humbi ga øthü ü im mangua, dyü hoga mbefi gahü a ma Hmuhü 'bü, ne da zä ga fäx ma mi ja'ihü büya, nguetho dí päh ma Hmuhü ra Jesucristo. <sup>9</sup>Pe nu'bü hin ga øthü ü im mangua, hin dí cüthü xün ho ran nequi ma mbüihü 'bü. Nguetho dí pumbgni thohü ngue m'be't'e ma mbüihü nangue yü ts'oqui mi øthü. <sup>10</sup>Pe ma zi cu'ahü, ěmme ga hädumbüihü ga uhmbü ngue yü thahni gahü Oja, ngue bi zoncahü a. Ne nu'bü din jabü ga øthü, hin hapü ga tänjü

'bũ. <sup>11</sup>Ne din johya Ojã 'bũ dá cuthũ bũ di manda rá ts'edi mazãi a ma Yãntehũ ma Hmuhũ ra Jesucristo bũya. <sup>12</sup>Janangue'a thocpa thoho dín nde ga bẽn'nahũ na mangua, madague'bũ guí pãhmahũ a, ne guí zãnthũ bũ ja ram hma majuãni ngue bi si ahũ. <sup>13</sup>Pẽ man'da xũn ho 'bũ ga thoqui ga 'yomfẽni ahũ, ngue gãtho yũ pa dí 'bũcã ua gãtho ma ngøc'yẽi, ga ja ahũ guim bẽmhũ a dá xi'ahũ. <sup>14</sup>Nguetho mits'ũtho da zõn ra pa ngue ga soh ma ngøc'yẽi, ngubũ bi xicã ma Hmuhũ ra Jesucristo. <sup>15</sup>Janangue ẽmme dí humbi dí xi'ahũ, n'damhma thocpa thoho guim bẽmhũ a 'bũ dá mbagã.

**Dá nuhe rá ts'edi mixte ra  
Cristo ngue ma dãsehe**

<sup>16</sup>Nugã xtã xi'ahũ nangue rá ts'edi ma Hmuhũ ra Jesucristo, din ja 'bũ bá ẽcua mahõn'a a. Hinga ngu mi'da yũ ja'i im bẽnse 'da yũ cuento ngue ní hyãt'a n'da. Pe nu'a dá nuhe, gue'a dím mamhbe a. Ne gue'a xtã xi'ahũ a, nguetho dá nusehe rá ts'edi mixte ra Cristo ngue ma dãsehe. <sup>17</sup>Gue'bũ má øhmbe n'dandj rá nde Ojã bí 'yẽh mahẽts'i mixte thoho, ne gue'a í 'yẽspa a rá Ts'unt'ũ 'bũ mi 'yẽna: "Guehna ma Ts'unt'ũgã na, ngue ẽmme dadí huẽcã na, ne ní hyu ma mbũi na," bi 'yẽn Ojã. Ne bi japi ẽmme bi necthoho. <sup>18</sup>Ne majuãni dá øhmbe rá nde Ojã bí 'yẽh mahẽts'i, nguetho 'darbũ mi 'bũhmbe ra Jesucristo bũ ja ra t'øhø guerpũ bin yã. <sup>19</sup>Janangue'a man'da da zã ga pãhmũ majuãni a mi hmam bũ ja yũ søcuã yũ pøngahyã

maya'bũ, ngue mi ma nangue ra Cristo ba ẽhẽ, ne din ja rá ts'edi mixte. Ne nu ram hma man t'o't'i, xũn ho 'bũ thocpa thoho ga honi ga pãhmũ, tengu'bũ ra nyot'i di yot'ua ja ra 'bexui, gue'bũ go bi zõn ra pa ngue da mbãdi gan nuhũ yũ hmẽpya ngue udi ya ba ẽpũ ra Hmu, ga pãhmũ xũn ho 'be'a man t'o't'i bũya. <sup>20</sup>Ne m'bet'o thoho ga pãhmũ ngue xínga n'da ra ja'i sã da bãse n'da rá t'ohni Ojã 'bũ hin nangue a rá Hogandãhi di zedi. <sup>21</sup>Nguetho nu'ũ yũ pøngahyã Ojã ma'ueque yũ mbũi, him bi bẽnse a ram hma bi 'yo't'ũ, pẽ guese a rá Hogandãhi Ojã bi bẽnbi 'be'a bi 'yo't' 'bũ mi 'yo't' rãm hman Ojã ũ.

**Dim 'bũh yũ hyãte xãnbate**

**2** Ne mi 'bũhmũ 'da yũ hyãte pøngahyã yũ ja'i israel maya'bũ, ngutho ahũ, gam 'bũhmũ 'da yũ hyãte xãnbate. Ne yũ zãndate tho, nguetho di cũ't' yũm hmansẽ 'bũ im man rãm hman Ojã. Ne nangue ỹ yũm hma dím 'be'a n'da ỹ. Ne hingui ørpa rá pãhã a ra Hmu ngue bi gurba yũ ts'oqui. Janangue a ja xũn dãmbeñi, ya xím 'bedi. <sup>2</sup>Ne xũn ngu da den'na dí 'yøt' yũ pãhãzehe ỹ yũ hyãte xãnbate. Janangue da mba nthenni thoho a ra 'yu majuãni. <sup>3</sup>Ne ẽmme da nde da hyã ahũ nangue yũm hma mahotho, nguetho da nde gui juthũ ỹ. Pẽ ya maya'bũ thoho bi ts'ãnni da nu yũn unbi ỹ, tengu øt'ũ, ne guehma da nu nguetho hingui pa ma pumbẽni 'be'a da nu. <sup>4</sup>Nguetho xínga gue'ũ yũm 'behni Ojã mahẽts'i bi yãm 'bũ mi 'yøt' ra ts'oqui. Ne'ũ bi hyøtpũ ja ra 'bexui,

bi dät'i con yu cadena, guepu bi got'u, da dömp'u ran juanbi. <sup>5</sup>Ne xim bi yan yu ja'i 'bu maya'bu a Oja, hinda hont'a ra Noé, ngue bi 'yəc'yei Oja, ne bi xih yu ja'i xtá 'yöt' ran ho. Ne hont'u yotonja'i min 'yohu ra Noé bi yan Oja 'bu mam bá penh ra 'ye, bin ja ra dambunt'i gätho ra ximhäi nangué u yu ts'om'bäi mi 'bui. <sup>6</sup>Ximangutho a ra hnini Sodoma ne Gomorra, bi nu ran ts'embi ne bi gohi bim 'bospi u. Janangué'a nu Oja i urcahu 'be'a din jap u yu ja'i hinguin nde da den Oja. <sup>7</sup>Pe bi yan a ra Lot ra hocja'i a. Ne nu'a emme madin xombui nangué u yün t'öt'e u mi sänzehe 'be'a mi öt'e. <sup>8</sup>Ne emme madi unba rá mbui a ra hocja'i, nguetho n'dapa ngu n'dapa min nu yün t'öt'e xun ts'o ne mi øh yú ts'ore 'bu 'darbu mi 'buhmbu bu ra hnini Sodoma. <sup>9</sup>Janangué'a dí pahmbu ja rá ts'edi Oja i färpa yú mbui u to'o mben Oja, hin da 'yöt'e tengu øt' yu ts'om'bäi 'bu 'darbu i 'buhmbu. Ne i ja rá ts'edi Oja da gorbu ja ran unbi u yu ts'om'bäi, ne ya in nu ya gätho yu pa tömp'u ran juanbi u. <sup>10</sup>Ne nu'u 'da i ørpa yú pähä yú ngøc'yei, man'da da nu ran unbi u. Pe di ts'on yú mbui ngue i øzehe yú pähä zehe, ne i san ma Hmuhu ra Cristo. Nu'u yu zambu i u, ne yun 'yets'i u, i thenda u to'o ja yün t'edi, ne hingui su. <sup>11</sup>Pe nu yüm 'behni Oja mahets'i man'da i ja yú ts'edi ne yün t'edi xinda gue'u yun 'yohu i sante, pe i su di cospa ran ts'ante u go i sante, nguepu ja rá hmi Oja. <sup>12</sup>Tengu yu zu'uë i 'bucua ja ra ximhäi, i ts'anba u ngue da fent'i ne ma zä dim 'bedi, ne nguetho u yu hyäte

xänbate. Ne i sani 'be'a hingui pädi. Ne nu'bu bi du, hont'a ran unbi mazai da nu. <sup>13</sup>I øt' ran ts'o, pe hont'a ran unbi da dāhā. Ne im beni ngue ran johya 'bu di thoc'a ní 'yöt' yú pähä zehe gā ra pa. Ne nu'u tengu yun ts'oni ne yu mbedi bu guidim petihu, nguetho di johya i øt' yú pähäzehe 'bu gui sihmehu u. <sup>14</sup>Ne hont'a ran 'yomt'eni im bem 'bu i hand yu xisu, ne njam'bu sä da 'ye'ts' yú ts'oqui. I hät'u 'da hinga na ec'yei xun ho, nguetho nu'u thocpa thoho yu ziyate. Pe Oja di unba u. <sup>15</sup>Nguetho bi zoh ra 'yu xun juani, bi mbase bu ma'ueni. Ne i ten ra 'yu mi ten ra pøngahya Balaam, rá ts'unt'u a ra Beor, nu'a emme madí ho din ju't'i nangué yu ts'oqui mi øt'e. <sup>16</sup>Pe bi hecpa Oja 'bu n'dandí, ngue bi japi bin ya rá fani hingui sä din ya. Pe bin ya rá fani ngue bi hecpa a ra pøngahya, ngue hin da 'yöt'a ra ts'oqui mi ena xtá 'yöt'e. <sup>17</sup>Pe nuya yu hyäte ya, tengu n'da ra hyado ena i po bu ra dehe, pe nte po bu. Ne tengu yu güi i tuxta ran dāhi, sä ena din 'ye. Ne nts'änni ra 'bexui man'da xum pothi da nu u, tengu u, gätho yu pa mazai. <sup>18</sup>Nguetho emme xu ngu 'be'a ma, pe hin'yu 'be'a nam bøni. Ne i hät yu ja'i mi ena xtá 'uepu ja ra ts'o'yu. Ne xø i xifi dá 'yøthu yu ts'oqui, ne emme da 'yørpa yú pähä yú ngøc'yei, ne im beni nte din japi. <sup>19</sup>Ne i xifi, mathøgue thoho ahū, njon da zamp ahū 'bu gui tengahe, sä ena. Pe i fēhni u, nguetho guese u i sam ra zithu u. Nguetho nu'bu bi dap ra ts'oqui n'da ra ja'i, ya rá 'yēhē ra zithu a baya, ne hingui sä da mba mathøgue nangué yú ts'oqui.

<sup>20</sup>Nguetho nu'bu n'da ra ja'i bin yañi nangué rá ts'o'yu ra ximhäi, nangué bin xäh rá m hma ma Hmuhü mam pøtehu ra Jesucristo, pe nu'bu da mbengui mahøn'a, hingui sä da bøm bu ja yu ts'o'qui mahøn'a a. Ne nubüya man'da xun ts'o da 'yøt'e xinda gue'a mi øt' 'bu him mi pañ ra Cristo. <sup>21</sup>Janangué'a nu'u to bi mbenc 'bu ya mi dæ'mi da ba'ra ra hoga'yu, man'da xun ho 'bu hin xtí dæ'mi, nguetho bi hyetho rá hogant'ædi Oja 'bu mi sämbi. <sup>22</sup>Ne bi 'yøt'e tengu man t'o't'i: "Tengu'bu n'da ra fo'yo bi zi mahøn'a yú ts'odi xí zani. Ne tengu'bu n'da ra ts'ædi bi 'yo mahøn'a ra bøhäi 'bu xín hi."

**Ra Cristo bi ma majuañi  
ba ðh mahøn'a**

**3** Ná yoho na ra søcuä dí ot'ahü ya, ma zi cu'ahü. Ne nu gätho yoho yu søcuä n'dat'a dí m bñi man'da ga bñ'n'a ni hogan 'yomfñihü. <sup>2</sup>N'damhha guim bømhbü u yüm hma mi ma mam'bet'o u yú pøngahyå Oja. Ne guim bømhbü mam hmamhbe dá xi'ahe, ma 'bäi gähe ma Hmuhü ra Jesucristo, ne ma pørpatehu a. <sup>3</sup>M'bet'o thoho ga pañmbü 'be'a din ja 'bu rán zegui yu pa. Di nequi 'da yu 'yuspat'e da denthoho ra 'yu majuañi, gue'u zai øt' yú pähä zehé. <sup>4</sup>Ne da 'yçna: "Hapü gán yañü ngue bi xi'ahü ra Jesucristo ba ðh mahøn'a, ne hin jam'bu i sä ba ðhç. Ne gue'bu go mi 'bu u ndu ma ngurba bøtahü maya'bu thoho, guexta'a i ja, gue'bu go rá mbædi ra ximhäi," da 'yçna. <sup>5</sup>Pe nu'u 'da i çna, i çna

nguetho di pumbñi tho 'be'a bin ja maya'bu, ne hinguin nde da bañi, ngue bi juah ra ximhäi Oja nangué ra dambunt'i. Nguetho xí 'yøt' Oja mahçts'i ne ra ximhäi nangué rá m hma. Ne bi japi bi bøx pu ja ra dehe a ra häi, ne gue'a ra dehe ín 'yøt' ra häi. <sup>6</sup>Pe guet'a ra dehe bi juah ra ximhäi mi ja, ngue bi mbunt'i. <sup>7</sup>Ne nuya mahçts'i ne ra ximhäi ngue i ja ya, Oja i sänni di juadi mahøn'a. Pe i tøm'i da zøn ra pa ngue bi ma ba penh ra sibi ua ja ra häi, gue'a ran unbi da 'yøt'a Oja a nangué yu ts'om'bäi. <sup>8</sup>Ma zi cu'ahü, hin ga pumbñi thohü ngue nu'a dí çmfu n'da mahuähi njeya, da zä da 'yçn Oja n'dapa tho bu nam bñn a, ne nu'a dí çmfu n'dapa thoho, da zä da 'yçn Oja n'da mahuähi njeya bu nam bñn a. <sup>9</sup>Ne hingui danhyçi Oja tengu im man i 'da, guemhha da 'yøt'e 'be'a bi ma da 'yøt'e. Pe i tøgbañü Oja da zøni ga coh ma mbüihü, nguetho in nde xínga n'da dam 'behmbü. <sup>10</sup>Pe nu'bu bá çh ra Hmu, tengu'bu ba ç'a n'da ra bç 'bu bin xui, hinga mfañi 'be'a ma ora da zøhø. Ne di juadi gätho u di nequi mahçts'i, çmme din thoni ndøspi, ne gätho 'be'a i ja da mbunt'i ngue nám pa. Ne gätho ra häi, ne gätho 'be'a bi 'yøt' yu ja'i ua ja ra häi, gätho din zø u. <sup>11</sup>Janangué'a nte man ts'o da bñn ma mbüihü, ne thocpa thoho gan numansuhü Oja, nguetho dí pañmbü da mbunt' ra ximhäi ra sibi. <sup>12</sup>Ne nuya dí n dømдахü da zøn ra pa bi man Oja, ngue da 'yuh mahçts'i, ne dim 'bedi gätho jabü. Ne din hyçgui 'be'a gätho i ja

nangue ra sibi. Ne dí xõnhdũ din ja n'dihi a. <sup>13</sup>Nguetho dí tõmdahũ ma'da'yo mahęts'i ne ra ximhäi, tengu bi ma majuani Oja, ngue din zãm bũ ran ho. <sup>14</sup>Janangue'a, ma zi cu'ahũ, nu'bũ dí tõmhbũ ngue din ja, ga humbi gan nde da numanhojũ ra Cristo 'bũ bá ęę da 'yõt' ran ts'ut'abi. Ne nte man ts'oni, ne nte man dupate da dıngahũ 'bũ bá ęh pũya. <sup>15</sup>Ne gam bęmhbũ ngue i set rá mbũi Oja, i tøm'i dim pø'u 'bũcua ja ra ximhäi. Tengu thoho bi 'yot'ahũ ma zi cuhũ ra Pablo nangue rán 'yomfęni bi un Oja. <sup>16</sup>Ne mbe gätho yú søcuą bi 'yo't'i im ma tengu dí ot'ahũ ya. Pe xũn hęi da fądi 'be'a

nam bõn'i 'da yũm hma bi 'yo't'a ra Pablo. Ne 'bũ'i 'da him bin xädi ne him bin zãm bũ ja ram hma. Janangue'a nu'bũ sä im man'a rá t'ohni ra Pablo, ogue mi'da yú t'ohni Oja, pe hinga gue'a bũ na hma. Ne gue'a im 'be'i 'da a. <sup>17</sup>Pe nu'ahũ guí pąhmbũ ngue ngubũ da 'yõt'i 'da yũ ją'i. Janangue'a gam fähmbũ hin da zix'ahũ bũ rá 'yu Oja gmí zãmhbũ, guerpũ i yą Ʃ yũ ją'i i honse yúm hmanse. <sup>18</sup>Pe man'da damí pąhmbũ rá mate ma Hmuhũ ra Jesucristo, ne ma pørpatehũ a. Ne nu'a ga ęspahũ a ya, ne gätho yũ pa maząi. Ne gue'a gam bęmhbũ a ya. Hõt'a dí xi'ahũ ya.